

BON DIA *Aruba*

Diabierna 30 di Oktober 2015 www.bondia.com Email: noticia@bondia.com Tel: 582-7800 Fax: 582-704

Drs. Elizabeth Beatriz de Sousa Fernandes Perna

Nominado pa “Science Award DC Pearls 2015”

Na 2006, Elizabeth (Eliza) a termina VWO/Colegio Arubano y bay studia Psicologia na Universidad di Maastricht, Hulanda. Na 2009 y na 2011, Eliza a obtene e titulonnan di Bachelor of Science y Master of Science respectivamente.



Eliza a specialisa den Neuro-Psicologia y en particular riba e efectonan di droga (cannabis, MDMA, alcohol) riba funcionamiento di e cerebro/cognitivo.

Eliza ta yiu muhe di Glenda Krozendijk y Jose de Sousa Fernandes Perna.

PhD- investigation program na Universidad di Maastricht

Na 2012, Eliza a inicia cu su PhD-investigacion program na Universidad di Maastricht, encunto efectonan agudo di droga riba cerebro (cognitivo) y comportacion

di adictonan. Alabes, Eliza ta forma parti di e team investigacion Europeo “Addiction and Lifestyles in Contemporary Europe: Reframing Addictions Project (ALICE RAP)”. Meta mayor di e team di investigacion ta pa provee un base científico y alabes provee un acercamento di coreccion y prevencion den e lucha contra adiccion. Den cuadro di e programa di investigacion, Eliza a participa na diferente congreso internacional (Newcastle, Lisboa) y durante casi un año, Eliza a

elabora na “Institut Hospital del Mar d’Investigacions Mèdiques” na Barcelona, España.

Eliza ta preparando pa defende su tesis pa doctor den Neuro -Psicologia den e prome mita di 2016. Ya caba Universidad di Maastricht a contrata Eliza pa inicia un investigacion post- doctorado na nivel Europeo, encunto substancianan psico activo.

Nominado pa “Science Award DC Pearls 2015

Recientemente Eliza a keda nomina pa e “Dutch Caribbean Pearls Award 2015”, den e categoria Ciencia. Hunto cu Eliza (Aruba), tin tres otro nominado pa cu e categoria “Ciencia”, tur tres procedente di Curaçao.

Diasabra, 07 di november 2015, ta tuma luga e ceremonia y premiacion di e respectivo

DC PEARLS AWARDS na Rotterdam, Hulanda.

Meta principal di DC PEARLS AWARDS ta pa honra conciudadanonan procedente di e seis islanan den Caribe, kendenan (t) a destaca na Hulanda den ramo di: estudio, deporte, musica, ciencia, etc.

E año ‘ki, e organisacion di DC PEARLS 2015 a scoge 33 nominado, bao di cua cuatro (4) nominado, procedente di Aruba, esta: Ken Wolff (arte/



literatura), Curt Fortin (arte/literatura), Lisa Hoeverts (deporte) y Eliza Fernandes Perna (ciencia/wetenschap).

Vota pa drs. Eliza Fernandes Perna como:

Pa medio di esaki, Eliza ta haci un yamada na su famia, conoci nan, su amigonan y pueblo di Aruba en general, pa vota pe of pa Ken, Curt of Lisa, pa asina hunto nan por trece un of mas DC PEARLS AWARD 2015 pa Aruba. Di antemano: masha, masha danki!

Pa bo por vota: subi e website www.dcp pearls.nl of hashtag [#DCPEARLS2015](https://twitter.com/DCPEARLS2015) □